

Թանգարանային կրթության կենտրոն

Մամուլի հաղորդագրություն

15.06.2018

Այցելությունից մասնակցություն. Թանգարանային նոր մշակույթ

2018թ. հունիսի 13-15-ը Լոռու մարզում՝ Հայաստանի մանուկներ հիմնադրամի (ԲՈԱՖ) նորաբաց [ՍՍԱՐԹ կենտրոնում](#), անցկացվեց «Թանգարան-համայնք. այցելությունից մասնակցություն» խորագրով դասընթաց:

Բրիտանական թանգարանի Միջազգային վերապատրաստման ծրագրի (ՄՎԾ) հայաստանյան շրջանավարտներ Մարինե Մկրտչյանի, Հայկ Մկրտչյանի, Դավիթ Պողոսյանի և Աստղիկ Մարաբյանի նախաձեռնությամբ փորձի փոխանակման եռօրյա դասընթացին ներգրավվել են Հայաստանի, այդ թվում և հատկապես՝ մարզային թանգարանների կրթության մասնագետները:

«Թանգարան-համայնք. այցելությունից մասնակցություն» դասընթացը Բրիտանական թանգարանի ՄՎԾ հայաստանյան խմբի երկրորդ նախաձեռնությունն է Հայաստանում: Այն նպատակ ունի միջազգային լավագույն փորձը հասանելի դարձնել տեղի թանգարաններում: Դասընթացն իրականացվում է ԴԻ-ՎԻ-ՎԻ Ինթերնեյշնալի հայաստանյան գրասենյակի ֆինանսավորմամբ՝ Թանգարանային կրթության կենտրոնի տարեկան ծրագրի շրջանակներում:

Ծրագրի թեմատիկ և գործնական աշխատանքները համակարգելու նպատակով Հայաստան է ժամանել Մանչեսթերի պատկերասրահի (Մեծ Բրիտանիա) կրթության և ներգրավման բաժնի պատասխանատու, Բրիտանական թանգարանի ՄՎԾ փորձագետ Ռոնան Բրինդլին:

«Ժամանակակից թանգարանները թևակոխում են զարգացման նոր շրջափուլ, որն ուղեկցվում է ֆինանսական խնդիրների հաղթահարման, հավաքածուների պահպանման ու համալրման, հանրային լսարանների ընդլայնման համալիր գործընթացներով: Դրանք հաճախ անորոշ հակասության մեջ են միջազգային և տեղական քաղաքականությունների, միջոցների բաշխման ու կայուն տնտեսական զարգացման հետ»,- ասաց Ռոնան Բրինդլին:

3 Zarobyan str., 0009, Yerevan, RA /+ 374 10 601016,
093446799/educationinmuseum@gmail.com, <http://museumedu.am>



Թանգարանային կրթության կենտրոն

Մշակութային կազմակերպությունները և թանգարանները՝ մասնավորապես, կարևոր դերակատարություն ունեն միջազգային քաղաքական ու սոցիալական նոր կարգի ձևավորման գործընթացում՝ օգտագործել իրենց հավաքածուները՝ ի նպաստ հանրային քննարկումների և կարծիքի ձևավորման, ներշնչող և վստահելի միջավայրում համախմբել հասարակությունը, միաժամանակ հղում անելով անցյալին՝ լուսաբանել ներկան և լուսավորել ապագան: Թանգարանային կրթությունը նման գործունեության առաջնագծում է:

«Դասընթացի նպատակն է փորձի փոխանակման և ինտերակտիվ գործնական պարապմունքների միջոցով վերաքննարկել թանգարանային կրթության զարգացման շրջափուլերը՝ դիդակտիկ մեթոդից մինչև բացահայտումների, ներգրավվածության և մասնակցության նոր հնարավորությունների մոդելներ՝ ուսումնասիրելով անհատի և համայնքի պասիվ կարգավիճակից ակտիվ հանրային դերակատարի անցման կարևորությունը: Միաժամանակ դիտարկում ենք այդ մոդելների իմաստավորված լինելը բոլոր տարիքային խմբերի համար՝ երեխաներ, դպրոցականներ, երիտասարդներ, ուսանողներ, ընտանիքներ և տարեցներ»,- նշեց (ՄՎԾ) հայաստանյան շրջանավարտներ Մարինե Մկրտչյանը:

Դասընթացի կազմակերպմանը աջակցում են Մանչեսթերի պատկերասրահը, Թանգարանային կրթության կենտրոնը, Բրիտանական թանգարանի միջազգային վերապատրաստման ծրագիրը, ԴԻ-ՎԻ-ՎԻ Ինթերնեյշնալի հայաստանյան գրասենյակը, Թանգաևանների աշխատողների և բարեկամների ասոցիացիան, Հայաստանի մանուկներ հիմնադրամը (ԲՈԱՖ):

Թանգարանային կրթության կենտրոն

2014թ. Հոկտեմբերի 2-ին ԴԻ-ՎԻ-ՎԻ Ինթերնեյշնալ (Գերմանիայի ժողովրդական բարձրագույն դպրոցների միության միջազգային համագործակցության ինստիտուտ) կազմակերպության հայաստանյան մասնաճյուղի, Թանգարանների աշխատողների և բարեկամների ասոցիացիայի և Արամ Խաչատրյանի տուն-թանգարանի միջև կնքվեց հուշագիր՝ Արամ Խաչատրյանի

3 Zarobyan str., 0009, Yerevan, RA /+ 374 10 601016,
093446799/educationinmuseum@gmail.com, <http://museumedu.am>



Թանգարանային կրթության կենտրոն

տուն-թանգարանի տարածքում թանգարանների կրթական ծրագրերի զարգացման կենտրոն հիմնելու մասին:

Կենտրոնը ծառայելու է հետևյալ նպատակներին.

- ✓ Նպաստել Հայաստանի թանգարաններում կրթական ծրագրերի ներդրմանն ու այլընտրանքային կրթության զարգացմանը
- ✓ Արտերկրյա և տեղի փորձագետների ներգրավմամբ կազմակերպել վարժանքներ, սեմինարներ և գիտաժողովներ՝ թանգարանների աշխատողների կրթական ծրագրեր իրականացնելու կարողություններ զարգացնելու նպատակով
- ✓ Թանգարաններին տրամադրել մասնագիտական խորհրդատվություն և մշակել թանգարանային տարբեր խնդիրների նվիրված մեթոդական ձեռնարկներ
- ✓ Նպաստել աշխարհի /մասնավորապես եվրոպական/ թանգարանների լավագույն կրթական ծրագրերի և մեթոդների ձեռքբերմանը և դրանց տեղայնացմանը թանգարաններում

Հայաստանի մանուկներ հիմնադրամը (COAF) բարեգործական կազմակերպություն է, որի նպատակն է բարձրացնել Հայաստանի գյուղաբնակների կյանքի որակը համայնքային զարգացման երեխայակենտրոն ծրագրերի միջոցով: Հիմնադրամի համակողմանի ծրագրային մոդելի իրագործումը սկսվել է 2004թ., և այդ ժամանակից ի վեր իրականացվում են կրթական, առողջապահական, սոցիալական և տնտեսական ծրագրեր, ինչպես նաև հիմնանորոգվում են համայնքների համար կենսական նշանակություն ունեցող ենթակառուցվածքները: Այս ծրագրերի շահառուներն են Հայաստանի Արմավիրի, Արագածոտնի, Լոռու, Չեղարքունիքի, Շիրակի և Տավուշի մարզերի 44 համայնքների քաղաքի քան 67,000 բնակիչները:

2015թ. սկսած՝ COAF-ը մշակել և իրագործում է նոր տեսլական՝ ՍՄԱԲԹ նախաձեռնություն: ՍՄԱԲԹ-ը կրթության միջոցով առաջխաղացում է ապահովելու գյուղական աշխարհի համար, ինչի արդյունքում շահում են անհատները, հասարակությունը և միջավայրը: ՍՄԱԲԹ-ը կդառնա զարգացման օրինակելի մոդել և կկրկնօրինակվի Հայաստանի այլ մարզերում և համայնքներում:

3 Zarobyan str., 0009, Yerevan, RA /+ 374 10 601016,
093446799/educationinmuseum@gmail.com, <http://museumedu.am>

